

**BOSNA I HERCEGOVINA**  
**FEDERACIJA BOSNE I HERCEGOVINE**  
**PARLAMENT FEDERACIJE**  
**DOM NARODA**

**Zakonodavno-pravna komisija**

Broj: 02/2-02-02-145/17  
Sarajevo, 09.02.2017. godine

**DOMU NARODA**  
**PARLAMENTA FEDERACIJE BIH**

Zakonodavno-pravna komisija Doma naroda Parlamenta Federacije Bosne i Hercegovine na 19. sjednici, održanoj 09.02.2017. godine, razmatrala je:

1. Prijedlog zakona o Agenciji za bankarstvo Federacije Bosne i Hercegovine,
2. Prijedlog zakona o bankama,
3. Prijedlog zakona o hraniteljstvu u Federaciji Bosne i Hercegovine,
4. Nacrt zakona o prijevozu opasnih materija,

U skladu sa članom 51. a u vezi sa članom 56. Poslovnika o radu Doma naroda Parlamenta Federacije Bosne i Hercegovine Komisija podnosi Domu naroda sljedeći:

**I Z V J E Š T A J**

**1. Prijedlog zakona o Agenciji za bankarstvo Federacije Bosne i Hercegovine,**

U općoj raspravi Komisija je utvrdila da postoji ustavni osnov za donošenje Zakona o Agenciji za bankarstvo sadržan u članu III. 1. tačka c. koji je izmijenjen amandmanima VIII, LXXXIX i CVI i članu IV. A 20. (1) d) Ustava Federacije Bosne i Hercegovine, prema kojima je u isključivoj nadležnosti Federacije Bosne i Hercegovine donošenje propisa o finansijama i finansijskim institucijama Federacije i fiskalna politika Federacije, a Parlament Federacije BiH uz ostala ovlaštenja predviđena Ustavom, odgovoran je za donošenje zakona o vršenju dužnosti u federalnoj vlasti.

**2. Prijedlog zakona o bankama**

U općoj raspravi Komisija je utvrdila da postoji ustavni osnov za donošenje Zakona o bankama sadržan u članu III. 1. tačka c. koji je izmijenjen amandmanima VIII, LXXXIX i CVI i članu IV. A 20. (1) d) Ustava Federacije Bosne i Hercegovine, prema kojima je u isključivoj nadležnosti Federacije Bosne i Hercegovine donošenje propisa o finansijama i finansijskim institucijama Federacije i fiskalna politika Federacije, a Parlament Federacije BiH uz ostala ovlaštenja predviđena Ustavom, odgovoran je za donošenje zakona o vršenju dužnosti u federalnoj vlasti.

### 3. Prijedlog zakona o hraniteljstvu u Federaciji Bosne i Hercegovine

U općoj raspravi Komisija je utvrdila da postoji Ustavni osnov za donošenje Zakona o hraniteljstvu u Federaciji Bosne i Hercegovine sadržan u odredbama člana III. 2. e), u vezi sa članom III. 3. (3) Ustava Federacije Bosne i Hercegovine, kojim je utvrđeno da federalna vlast ima pravo utvrđivati politiku i donositi zakone koji se tiču socijalne politike. Prema odredbama člana III. 2. e) i člana III. 3. (1) i (2) Ustava Federacije Bosne i Hercegovine, federalna vlast i kantoni su zajednički nadležni za socijalnu politiku. Tu nadležnost ostvaruju zajednički ili odvojeno, ili od strane kantona koordinirano od federalne vlasti. U pogledu ovih nadležnosti kantoni i federalna vlast dogovaraju se na trajnoj osnovi. Kantoni u ovoj oblasti imaju pravo utvrđivati politiku i provoditi zakone (član III. 3. (4)), kao i provoditi socijalnu politiku i uspostavljati službe socijalne zaštite (član III. 4. j)). Prema odredbama člana IV. A. 20. (1) d) Ustava Federacije Bosne i Hercegovine, pored ostalih nadležnosti utvrđenih Ustavom, Parlament Federacije Bosne i Hercegovine nadležan je za donošenje zakona o vršenju funkcija federalne vlasti.

### 4. Nacrt zakona o prijevozu opasnih materija

**U općoj raspravi Komisija je većinom glasova utvrdila da postoji ustavni osnov za donošenje Zakona o prijevozu opasnih materija koji je sadržan u odredbi člana IV A. 20. (1) d) Ustava Federacije Bosne i Hercegovine. Prema toj odredbi Parlament Federacije je nadležan za donošenje zakona o vršenju dužnosti federalne vlasti.**

Prijevoz opasnih materija je u funkciji zaštite života i zdravlja ljudi kao i slobode kretanja prijevoza opasnih materija. To znači da je ovdje ispunjen uvjet iz Poglavlja II člana 2. (1) a), b) i h) Ustava Federacije BiH. Te odredbe obavezuju Federaciju da je dužna osigurati najviši nivo međunarodno priznatih prava i sloboda. Ovdje se radi o pravu na život, pravu na imovinu i pravu na slobodu kretanja, pa po tom osnovu Federacija ima pravo da ovu materiju regulira svojim zakonom i time stvori pravne pretpostavke da se može zaštititi život ljudi i imovina od ugrožavanja opasnim materijama i sloboda kretanja roba i usluga koje se odnose na opasne materije na području cijele Federacije Bosne i Hercegovine.

**Komisija većinom glasova prihvata Nacrt Zakona i smatra da može poslužiti kao osnov za izradu prijedloga Zakona.**

**Komisija predlaže Domu naroda da Nacrt Zakona stavi na javnu raspravu u trajanju 60 dana.**

**PREDSJEDNIK KOMISIJE**

Jasenko Tufekčić, s.r.